

GR 28.7.87 Nazi Albin-Hänsli, Tschamut



Tgei – ina attacca dil cor: il Nazi da Tschamut, il cavacristallas? Da gliez gnanc tschontschel jeu. Strusch da capir: in um dalla natira – staus il bia da sia veta ell'aria fina dallas muntognas sco cavacrappa e miradur.

Gliendisdis, ils 29 da zercladur 1987, zatgei entuorn mesa las otg la damaun s'entaupel jeu cun el sil parcadi da Sutcrestas per ir sin Cavradi. In tschancun sur il piogn giavischel ch'jeu mondi miu pass, pertgei uonn haveva el empau dils mantials d'unviern vid sesez – ed ei mava vess. Jeu hai quietau el e coordinau sin siu tempo. Nus havein discussiu-nau massa – cun duas liungas pausas denteren. L'emprema ella Purtuglia e lu avon che sesparter – jeu dalla Valaulta si ed el viers il grep dil Tschéss. Igl Alfons era gia viaden – ed els dus promts da parter la stagiuensem.

Igl avomiezdi varga spert ed il sulegli scaulda sco buc in di d'uonn a Cavradi. Jeu erel fatschentaus vid in fuornechel, udend in schul. Sveltamein sgola mia egliada a val, vesend igl Alfons, Nazi e Damian sin via a casa. Sa tgei uras ch'igl ei che schizun il Damian fuva da re-

tuorn? Cun ferma vusch cloma el contard ch'igl ei pertgei igl ual fageva canera. Jeu audel la risposta: in quart var-gau las 4. Jeu mez vulevel nuota calar e targlinel cun mirar els a partend. Mo il Nazi metta giu il sacados, stend en schanuglias, ils mauns sil pèz e tuoscha. Jeu tratgel ch'el hagi forsa buiu – muort la calira – memia bia aua. El cun mo ina tiarza dil magun sa buca cargar lez sco in cun in entir. Damian pren siu sacados e camina. Alfons spetga sil Nazi e cun pei bufatg dattan els adia, svanend davos il Cugn lad.

Jeu mondell anavos sin il baun nua che zacontas cristallas spetgan da vegin pachetadas. Suenter cuort'uriela danovamein in schul ed jeu capeschel igl Alfons a grend: «Dosi, no, no spert!» sc'in paliet mond'jeu dalla gonda giu, vesend il Nazi alla riva dil flum Curnera per tiara, curdaus amiez nossa patria, nua che nus havein passentau bia bi e dir. Jeu dun ad el igl amprem agid. Mo ei reussescha buca. Siu cor quescha – igl egl ei ruts. Jeu siarel el viers miu pèz, bargend, savend tgei che spetga sin mei. Il pass il pli brutal en quella situaziun: Annunziar quei als ses. Alfons pertgira el ed jeu caminel dalla Cavigoria viadora tiel parcadi da Sutcrestas. Cheu entau-pel jeu il Damian. El annunzia alla colonna d'agid, ferton ch'jeu carreschel a Tschamut tier la consorta Edith. Lezza era gest avon casa. Ei ha pariu aschi liung da far las duas scalas da crap entochen si tier ella. Ed a mi hai tuccau da purtar ad ella la aschi tresta niviala.

Nazi Albin ei naschius a Tschamut calonda matg 1933. El ei carschius si cun ses cars geniturs Giachen Giusep e Maria Margreta Albin-Riedi e las treis soras: Ida, Gusta e Maria. Siu frar Giusep ei sedisgraziaus 1959. Ils onns da scola ha el passentau dadens gl'aul a sut Crestas e silsuenter fatg igl empren-dissadi da miradur a S. Gagl. Propri in mistregn per in Tarleper – gliez vul dir:

um ferm. 1967, ils 4 da november, mari-dan els a Madonna del Sasso: Edith Hänsli, dad Attinghausen (UR) e Nazi Albin. In da mes pli sincers giavischs fuss ch'els vessen giu agens affons. Ei mass ussa pli lev da purtar da cumin-za il grond buordi.

Ils onns 1969–1971 hael jeu passen-tau cun il Nazi sco cava-cristallas. Dus «ignivs» ein stai nies final: Cavradi e Val Giuf. Nossa devisa per la laver secla-mava: Aschiditg che nus anflein buca in'ala-fier sco in pulit barcun calein nus buca». In da ses gronds giavischs fuva: «Sas, veser la pli gronda ala-fier da Ca-vradi – astgar contemplar ella 5 minutias – e svanir stuess ella per maina veser pli.»

Al Nazi hai jeu d'engraziar ch'jeu sundel aunc entirs. Ella Val dil Cavegn-sisum ina preit-crap, forsa 30 m – leva el per tut prezi metter la suga surengiu per sustegn. Cun mes 24 onns erel jeu aunc buca madirs per veser il prighel. Jeu hai lu tuttina schau perschuader e corri-spundi a siu giavisch. La suga pen-deva. Ei va buca ditg. El dat in sprun ed in griu ed jeu hael mo aunc giu la pus-seivladad da sepender vid la suga, per-tgei il suttapeis era gia en moviment ed el steva sin tuts quater alla riva dalla preit-crap.

Sia patria per propri era il Cavradi. Da quei dattan biars collectaders e numerusas buorsas perdetga dallas qualas el e sia consorta han priu stediamein part. Cavradi ha piars in da ses pli fidei-vels cava-cristallas. Leu era el propri da casa.

Sia consorta ei stada trasatras in bien sustegn per el. Ell'eit aunc oz ina persuna la pli qualificada per dar tarlischur all'ala-fier. Perstgisa Nazi, sche jeu mettel puspei gleiti si miu sacados e cunitue-schel il viadi. Alla consorta combri-giada giavischel jeu bia curascha e fidonza.

Vies amitg Dosi